



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kirchen Calender

Goldwurm, Kaspar

Franckfort am Mayn, 1574

xix Sebaldus Bischoff zu Nürnberg/ vnd Vitus Theodorus.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

den möchte / zoh er zu Justiniano / vnd bath
 vmb frieden. Er ward vmb seiner besonderen
 Gottseligkeit ganz freundlich vnd ehrlich von
 dem Keyser empfangen / Aber der Keyser bath
 ihn / daß er auch in die schädliche Eutychiani-
 sche Sect wolt verwilligen / vnd dieselbige be-
 sten bestättigen. Er ließ sich aber ganz nichts
 dahin bewegen / sonder sprach: Ich habe off-
 mahl gewünschet zu dem Christlichen Keyser
 Justiniano zu kommen / so hab ich Diocletia-
 num den Feind der Christen gefunden. Auf
 solcher freyer rede ward der Keyser bewegt
 daß er die Eutychianische Sect verließ / vnd
 vertrieb Antimum den Constantinopolitani-
 schen Bischoff / vnd setet einen Christlichen
 Bischoff an die statt / Vnd er selbst ward ein
 frommer Christlicher Keyser.

Von einem andern Agapito geschicht mel-
 dung / Tripar. lib. quarti, cap. tertio.

Ga
 G
 rix
 Sebal-
 dus.

Dieser ist von Königlichem stammem auß
 Dennemarek geboren / Vnd wiewol im
 grosse Weltliche Herrlichkeiten angebotten
 waren / Jedoch verachtet er solches alles / vnd
 begabe sich ganz auß die erforschung warer
 Christi

Christlicher Religion / darinne er dann durch
den heyligen Geist wunderbarlich erleuchtet
vnd zugenommen hat / Endlich ist er in das
Teutschlandt kommen / vnd seindt seine mit-
geferten gewesen / Wunibaldus / vnd Wili-
baldus / zween gebrüder. Er hat erstlich auch
zu Regenspurg das Euangelium geprediget /
von dannen ist er bey Nürnberg in ein Sinode
gezogen / von der Sinode soll er in S. Martins
Capell zu Nürnberg kommen sein / vnd daselbst
geprediget haben / welches jetzt ein Closter Be-
nedictiner Ordens / vnd S. Egidij genandt
wirdt. In seinem Namen ist ein schöne Kir-
chen zu Nürnberg zu S. Sebaldt genandt / er-
bauwet worden / in welcher etlich jar der heyl-
ge vñ Hoherleuchte Theologus Doctor Vi-
tus Dieterich / die reyne Lehr des Euangelij ge-
lehret / vnd biß in seinen todt bekandt hat / Wel-
cher auch in höchster verfolgung der Kirchen /
zu der zeit / da das Monstrum Interim tobet
vnd vmb sich fraß / zu Nürnberg den 26. Mar-
tij / Anno Tausendt fünff hundert neun
vnd vierzig / seligklich ge-
storben ist.